

- El venerando domino Antonio Contarini, prior di San Salvador, *quondam* sier Alvise,
- El venerando domino Bernardin Marzello, *alias* eleto episcopo faventino, *quondam* sier Francesco,
- El reverendo domino Francesco Marzello, episcopo tragurense, *quondam* sier Filippo,
- El reverendo domino Marco Lando, dottor, prothonotario apostolico, *quondam* sier Vidal, dottor, cavalier,
- El reverendo domino Bernardo Zane, arziepiscopo spalatino, *quondam* sier Alvise,
- El venerando domino Lorenzo Capelo, fo prior a la Carità, *quondam* sier Lunardo,
- El venerando domino Francesco Paradixò, fo general a San Zorzi de Alga, *quondam* sier Zusto,
- El venerando domino Stephano Trivixan, prior di la Certosa dil Montelo, *quond.* sier Marco.
- El venerando domino Thadio Querini, doctor, arziprete patavino,
- El venerando domino Leonardo Contarini, doctor, *olim* vicario di Padoa, *quondam* sier Moysè,
- El reverendo domino Antonio Pizamano, episcopo di Feltre, *quondam* sier Marco,
- El reverendo domino Andrea Mozenigo, doctor, prothonotario e abate, *quondam* sier Thomà,
- El venerando domino Piero Dolfin, general camaldulense, *quondam* sier Vetor,
- † El venerando domino Antonio Suriam, prior di Sant' Andrea di la Certosa, di sier Zuane,
- El venerando domino fra' Lodovico Michiel, fo prior di San Domenego,
- El venerando domino Hironimo Trivixan, abate di Borgognoni, di sier Baldissera.

*Nota, in secondo scurtinio fo azonto :*

El venerando domino Mauro Zorzi, fo prior di San Salvador, *quondam* sier Pollo; et non fo nominati domino Anzolo Lando, domino Alvise Contarini, di Santa Maria di l'Orto, et domino Francesco Marzello, episcopo tragurino.

Et in 3.<sup>o</sup> scurtinio fo nominati XV, signati *ut supra*.

*A dì 13, mercore.* Da poi disnar fo fato lo exeque dil patriarcha, *videlicet* tutta la chieresia vene, di San Marco, per terra fino a Castello, et cussi li frati; et la scuola di San Marco, el principe, con la Signoria, el legato et oratori, veneno con li piati.

Et ne l'intrar di la chiesa erano li corozosi, *videlicet* sier Beneto Gabriel, fo fiol di sua suor, et li fioli fo di sier Homobon Griti, *quondam* sier Triadam *etc.*, con mantelli longi et panni negri in testa. Questi andono arente il principe, et poi molti altri da cha' Donado, et parenti *etc.* Insieme con li patricij, vi fu, procuratori, sier Marco Antonio Morexini, el cavalier, sier Tomà Mozenigo, sier Domenego Trivixan, el cavalier. Il corpo era in mezo la chiezia, soto un grandissimo baldachin, adornato di negro; e li canonici di Castello, con torzi in man, sentadi li, che li diceva l'oficio di morti. Et il corpo era aparato da patriarcha, con la mitria, maza et † a presso. Et intrado el principe in chiesa, venuto in choro, sier Giacomo Boldù, di sier Hironimo, ch'è avochato di presonieri, fè la oratione, la qual fo butada in stampa; poi fo tolto il corpo e menato a torno il campo fino a la soa sepultura nova in la capella di San Zuane; *et ita finis est.* In questo mezo molti patricij andavano a la Certosa, a tochar la man al novo patriarcha, tra li qual Jo ne fui.

*A dì 14.* Da poi disnar fo conseio di X. Et la matina vene il novo patriarcha a la Signoria, acompagnato da assaissimi patricij, et il padre vestito di veludo cremexin. Sentò esso patriarcha a presso il principe, fece una oration latina, ringratiando Idio et il principe et senato di tal electione, oferendosi *omnia etc.*; fo breve. Il principe li rispose accomodatamente; et poi fo expedito le lettere a Roma per la confirmation dil papa. Et nota, che l'anata è ducati . . . , et la intrada è ducati . . .

*A dì 15.* Per certa proposta, fata in colegio secretissima per l'orator di Spagna, credo in materia di nova liga, da poi disnar fo pregadi; stetenò fino 5 hore di note, fo varie parte, *nihil conclusum*, rimesso a doman. Parlò sier Francesco Trun, el consier, poi sier Andrea Venier, el consier, sier Domenego Trivixan, el cavalier, procurator, savio dil conseio, et sier Zorzi Emo, savio a terra ferma.

*A dì 16.* Fo iterum pregadi per expedir questa materia. Parlò sier Lorenzo di Prioli, el consier, poi el serenissimo principe, poi sier Marco Sanudo, savio dil conseio, *sapientissime*, et ultimo sier Troian Bolani, savio ai ordeni, qual era con sier Zorzi Emo, et poi si messe con la opinion dil principe. Fo expedita, justa la opinion di sier Marco Sanudo et compagni. Fo varie parte, con più tempo scriverò *quid*; fo sacramentado el pregadi.

*Da Milam, di Lunardo Bianco, secretario.* Dil zonzer li di domino Zuam Lasehari, vien orator qui, starà 3 zorni, poi partirà.